

Mohd Amirul Kasyful Nur bin Zulkifli

From: UUM CORPORATE COMM.
Sent: 11 Julai 2021 12:02
To: UUM - All Staff; UUM - All Students
Subject: 115 Peserta Sertai Bengkel 'How To Write A Policy Paper'



UUM Corporate Comm.
Universiti Utara Malaysia

11 JULAI 2021 / 1 ZULHIJAH 1442H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh : Prof. Madya Dr. Norazlina Abd Wahab
Gambar oleh: Pusat Pengajian Perniagaan Islam (IBS)

115 PESERTA SERTA BENGKEL 'HOW TO WRITE A POLICY PAPER'

UUM ONLINE: Seramai 115 peserta telah menyertai Bengkel 'How to Write A Policy Paper' yang disampaikan Prof. Dr. Asmadi Mohamed Naim secara atas talian menerusi Webex, baru-baru ini.

Bengkel anjuran Institute of Shariah Governance and Islamic Finance (ISGaIF), Pusat Pengajian Perniagaan Islam (IBS) itu memberi penerangan tentang kaedah penulisan dan penghasilan kertas polisi, selain perkongsian pengalaman dalam membina hubungan baik dengan pihak industri bagi mendapatkan kolaborasi penyelidikan.

Prof. Dr. Asmadi merupakan Felo Bersekutu Kehormat ISGaIF menjelaskan bahawa format penulisan kertas polisi agak berbeza berbanding penulisan kajian akademik kerana penulisan bagi kertas polisi haruslah lebih ringkas dan padat.

Beliau turut berkongsi contoh kertas cadangan penyelidikan diperoleh dari pihak industri seperti Jabatan Kemajuan Islam Malaysia (JAKIM) dan FWD Takaful.

Ditanya berkenaan mewujudkan kolaborasi penyelidikan, Prof. Dr. Asmadi berkata, setiap pensyarah perlu menjalinkan hubungan baik dengan pihak industri, di samping berupaya memasarkan diri dan kepakaran untuk mewujudkan kepercayaan (trust) dalam kalangan pihak luar.

"Kepercayaan yang dipupuk dalam hubungan tersebut dapat meningkatkan peluang untuk berkerjasama diantara penyarah, universiti dan pihak industri.

"Apa yang lebih peting adalah sikap bersungguh-sungguh dan tidak berputus asa untuk terus mencuba walaupun mengalami beberapa kegagalan," katanya yang juga Naib Canselor Universiti Islam Antarabangsa Sultan Abdul Halim Mu'adzam Shah (UniSHAMS).

Sementara itu, Pengarah ISGaIF, Prof. Madya Dr. Norazlina Abd Wahab berkata, bengkel tersebut merupakan salah satu usaha permulaan untuk mendedahkan kaedah penulisan kertas polisi dalam kalangan pensyarah.

Menurutnya, dia berharap agar bengkel itu dapat diteruskan dan dilaksanakan dalam siri yang berikutnya agar ia dapat menggalakkan penulisan kertas polisi khususnya dalam kalangan pensyarah UUM.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.